



REPUBLIKA E SHQIPËRISË
AUTORITETI I MEDIAVE AUDIOVIZIVE

Nr. 3140 prot.

Tiranë, më 5.11.2020

VENDIM

NR. 103, DATË 05.11.2020

PËR

PËRCAKTIMIN E FREKUENCAVE PËR SHËRBIMIN E TRANSMETIMIT
AUDIO ANALOGE DHE ÇELJEN E GARËS PËR DHËNIEN E 2 (DY)
LICENCAVE TË TRANSMETIMIT AUDIO ANALOGE

Në mbështetje të nenit 19, pika 16, nenit 59 të ligjit nr. 97/2013 “Për mediat audiovizive në Republikën e Shqipërisë”, i ndryshuar dhe rregullores “Për procedurat dhe kriteret për dhënie e licencës së transmetimit audio”, miratuar me vendimin nr. 153, datë 18.07.2016 të AMA-s, të ndryshuar Autoriteti i Mediave Audiovizive,

VENDOSI:

1. Përcaktimin e frekuencave për shërbimin e transmetimit audio analoge në zonat e mëposhtme:

Nr.	Zona e ofrimit të shërbimit
1.	Qarku Vlorë
2.	Bashkitë Shkodër dhe Vau i Dejës

2. Çeljen e garës për dhënie e 2 (dy) licencave së transmetimit audio analoge, për zonat e mëposhtme:

Nr.	Zona e ofrimit të shërbimit	Përcaktimi i operatorit	Pika transmetuese	Frekuenca (MHz)
1.	Qarku Vlorë	Audio Analoge Lokale	Zvërnec	93.7
			Llogara	99.1
			Treblovë	93.4
			Himarë	96.2
			Sopot	98
			Mile	97.1

2.	Bashkitë Shkodër dhe Vau i Dejës	Audio Analoge Lokale	Tarabosh	104.4
----	--	-------------------------	----------	-------

3. Miratimin e dokumentacionit të dhënies së licencës private të transmetimit audio analoge, bashkëlidhur këtij vendimi, të përbërë nga: a. licenca e shërbimit të programi audio dhe b. licencë për ndërtimin e operimin e rrjetit analog.
4. Shpalljen në mënyrë publike të çeljes së procedurës për dhënien e2 (dy) licencave të transmetimit audio analoge.
5. Ngarkohet administrata e AMA-s për zbatimin e këtij vendimi.

Ky vendim hyn në fuqi menjëherë.

Kryetar:

Gentian

SALA

Zëvendëskryetar:

Sami

NEZAJ

Anëtarë:

Agron

GJEKMARKAJ

Gledis

GJIPALI

Suela

MUSTA



REPUBLIKA E SHQIPËRISË

DOKUMENTACIONI I KËRKUAR PËR LICENCË TRANSMETIMI AUDIO ANALOGE

Bazuar në ligjin nr. 97/2013 “Për mediat audiovizive në Republikën e Shqipërisë”, i ndryshuar dhe rregulloren “Për procedurat dhe kriteret për dhënien e licencës së transmetimit audio”, miratuar me vendimin e AMA-s, nr. 153, datë 18.07.2016, të ndryshuar, licencimi i transmetimit audio bëhet nga AMA nëpërmjet konkurrimit të aplikimeve.

AMA, pasi studion spektrin e frekuencave të destinuara për transmetime audio çel garën për dhënien e licencës përkatëse, në të cilën përcakton hapësirën e mbulimit të licencës për të cilën mund të aplikohet.

Në zbatim të rregullores së sipërcituar, më poshtë paraqitet dokumentacioni i kërkuar për pajisjen me licencë transmetimi audio analoge ose për zgjerimin e zonës së ofrimit të shërbimit.

Dokumentacioni juridik

1. Regjistrimi në QKR me gjithë ndryshime (nëse ka), forma ligjore, emërtimi i subjektit, lista e aksionerëve me kuotat respektive; Në rastin kur njëri nga ortakët e subjektit aplikues është person juridik duhet të paraqitet lista e ortakëve të tij (në rastin e licencave lokale apo rajonale e transmetimit audio u jepet personave juridikë të regjistruar në Republikën e Shqipërisë, me objekt ekskluziv veprimtarinë audiovizive).
2. Deklaratë noteriale të secilit prej aksionarëve të subjektit aplikues, lidhur me aksionet/kuotat e zotëruara prej tyre në shoqëri të tjera audio ose audiovizive;
3. Vërtetim i gjendjes gjyqësore të aksionarëve të subjektit;
4. Adresa, nr. tel, fax, e_d. mail;
5. Personi përfaqësues.

Dokumentacioni teknik:

1. Objekti dhe karakteristikat e përgjithshme të shërbimit përfshirë mbulimin dhe interferencat;
2. Projekti dhe preventivi i rrjetit (a. skema e organizimit, b. projektet teknike të studiove; c. projektet teknike të pikave të transmetimit, d. karakteristikat teknike të pajisjeve transmetuese, të dhëna për sistemin RDS) hartuar nga një inxhinier elektronik i pajisur me diplomën përkatëse (Master Shkencor);
3. Projekti dhe preventivi i rrjetit, të shërbimeve fikse, frekuencat e të cilave administrohen nga AKEP;

4. Afati i propozuar i përfundimit të rrjetit.

Dokumentacioni ekonomik:

1. Të dhëna për kapitalin e deklaruar dhe të nënshkruar të shoqërisë, i cili duhet të jetë i vërtetuar ose në Qendrën Kombëtare të Regjistrimit ose nga një ekspert kontabël i miratuar/autorizuar; (për licencat rajonale kapitali i kërkuar është në masën 2,500,000 lekë, ndërsa për licencat lokale kapitali i kërkuar është në masën 1,000,000 lekë);
2. Parashikimi për shpenzimet dhe të ardhurat për periudhën e vlefshmërisë së licencës duke përcaktuar llojet e të ardhurave (reklama, të ardhura nga të tretët, të ardhurat nga shërbimi etj), shpenzimet fikse, të ndryshueshme, detyrimet tatimore, kontributet e sigurimeve shoqërore dhe shëndetësore, origjinën dhe vlerën e investimeve që parashikohen të kryhen gjatë periudhës së vlefshmërisë së licencës);
3. Garancia bankare që vërteton se aplikanti ka ngurtësuar shumën prej 10% të vlerës së kapitalit financiar të kërkuar, për një periudhë deri në 6 muaj, duke filluar nga data e paraqitjes së aplikimit;
4. Lista e administratorëve.

Dokumentacioni për programet

1. Përmbajtja e programeve që do të transmetohen të jetë në përputhje me parimet themelore të ligjit nr. 97/2013, i ndryshuar dhe kërkesat e Kodit të Transmetimit të AMA-s;
2. Struktura programore e propozuar duhet të përmbajë të dhëna dhe raporte që, në tërësinë e tyre shprehin qartë pluralizmin dhe paanësinë e informacionit;
3. Të dhëna statistikore për programet audio të katalogut të shërbimit programor të përgjithshëm dhe tematike (Informacion, kulturë, art, argëtim, zbavitje, dramatizim, sport, emisione për fëmijë, reklamë, etj.)
4. Të dhëna për kohëzgjatjen e programeve;
5. Programi javor i transmetimit;
6. Grila e strukturës programore;
7. Përshkrim i shkurtër i përmbajtjes së programeve kryesore të prodhuara vetë që garanton cilësinë e informacionit, promovimin e gjuhës e të kulturës kombëtare, larminë e programeve për fëmijë e të rinj, si dhe çështje specifike të traditës e zhvillimeve rajonale e lokale.

Dokumentacioni për të drejtën e transmetimit

1. Dokumentacioni që vërteton të drejtën e transmetimit të programeve (kontratë për kalimin e të drejtave të transmetimit si shitje, dhurimi ose shkëmbimi).

Dokumentacioni mbi aspektin organizativ

1. Të dhëna mbi numrin e punonjësve që parashikon të punësojë;
2. Deklarata për vërtetësinë e të dhënave të paraqitura;
3. Informacion mbi strukturën e pronësisë së kompanisë dhe aksionerëve të saj;
4. Organizimi dhe drejtimi i shoqërisë, lista dhe CV-të e anëtarëve të Bordit.

Shënim: Dokumentacioni i aplikimit që merret në institucionet shtetërore, duhet të jetë marrë jo më vonë se 30 ditë përpara datës së aplikimit. Mosparaqitja e njërës prej dokumenteve të mësipërme është kusht skualifikues. AMA gjatë procesit të shqyrtimit të dokumentacionit të aplikimit për dhënien e licencës së transmetimit audio, kërkon informacion për subjektet aplikues nga Drejtoria e Përgjithshme e Parandalimit dhe Pastrimit të Parave.

PLANI FREKUENCOR PËR LICENCË TRANSMETIMI AUDIO ANALOGE

Nr.	Zona e ofrimit të shërbimit	Përcaktimi i operatorit	Pika transmetuese	Frekuenca (MHz)
1.	Qarku Vlorë	Audio Analoge Lokale	Zvërnec	93.7
			Llogara	99.1
			Treblevë	93.4
			Himarë	96.2
			Sopot	98
			Mile	97.1
2.	Bashkitë Shkodër dhe Vau i Dejës	Audio Analoge Lokale	Tarabosh	104.4

PAGESAT NDAJ AMA-S DHE BUXHETIT TË SHËTETIT

Në zbatim të gërmës “a”, “b”, dhe “c” të nenit 26 të ligjit nr. 97/2013, “Për mediat audiovizive në Republikën e Shqipërisë”, i ndryshuar, subjektet e interesuara që aplikojnë për licencë private transmetimi audio, ju linden pagesa si më poshtë:

- Pagesë për blerje dokumentacioni 1,000 lekë.
- Pagesë për përpunimin e kërkesës për licencë 50,000 lekë.
(Pagesat sipas pikës 1 dhe 2, janë detyrime financiare që duhet të kryhen përpara datës së zhvillimit të garës).

- Pagesa për marrje licence 15,000 lekë
- Pagesë vjetore për licencë.

Kjo vlerë përcaktohet pas marrjes së licencës sipas pikës 1.3.2. të vendimit të AMA-s nr. 220, datë 01.12.2017.

(Pagesat sipas pikës 3 dhe 4, janë detyrime financiare që kryhen pas licencimit nga AMA).

Masat e pagesave të mësipërme janë të përcaktuara në vendimin e AMA-s, nr. 220, datë 01.12.2017 “Mbi përcaktimin e pagesave për licencë/autorizim dhe shërbimet që kryhen nga Autoriteti i Mediave Audiovizive”.

- Tarifa vjetore për shërbimet e transmetimeve radiotelevizive, lind pas licencimit nga AMA.

(Masa e tarifës aplikohet në zbatim të ligjit nr. 9975, datë 28.07.2008 "Për Taksat Kombëtare në Republikën e Shqipërisë", i ndryshuar dhe Udhëzimit të Përbashkët nr. 32, datë 29.12.2014 "Për përcaktimin e tarifës së shërbimit për shërbimet e transmetimeve radiotelevizive").

a. Për çdo transmetues ose përsëritës radio FM tokësore:

a) me fuqi të rrezatuar deri në 10 ë	300 lekë në vit;
b) me fuqi të rrezatuar deri në 100 ë	1.200 lekë në vit;
c) me fuqi të rrezatuar deri në 1000 ë	4.800 lekë në vit;
ç) me fuqi të rrezatuar deri në 10000 ë	9.600 lekë në vit;
d) me fuqi të rrezatuar mbi 10000 ë	12.000 lekë në vit.

b. Në qoftë se një nga transmetuesit ose përsëritësit b, c, ç, d, mbulon mbi gjysmën e qytetit të Tiranës, atëherë tarifa e llogaritur mbi këto pika shumëzohet me koeficientin 5.

c. Në qoftë se një nga transmetuesit ose përsëritësit b, c, ç, d, mbulon mbi gjysmën e një qyteti me popullsi mbi 100 000 banorë, atëherë tarifa e llogaritur mbi këto pika shumëzohet me koeficientin 2.

d. Në qoftë se një nga transmetuesit ose përsëritësit b, c, ç, d, mbulon mbi gjysmën e një qyteti me popullsi 50 000 deri në 100 000 banorë, atëherë tarifa e llogaritur në këto pika shumëzohet me koeficientin 1.5.

e. Në qoftë se transmetuesit ose përsëritësit b, c, ç, d, mbulojnë dy ose më shumë qytete të cituara në pikat 5.2., 5.3., 5.4., atëherë tarifa e llogaritur në këto pika shumëzohet vetëm një herë me koeficientin më të lartë.

Pagesat e mësipërme do të kryhen në:

- Pagesë për blerje dokumentacioni kryhet në llogaritë bankare të AMA-s ose cash pranë AMA-s.
- Pagesë për përpunimin e kërkesës për licencë; pagesë për marrje licence, pagesë vjetore për licencë dhe pagesë për tarifë të shërbimeve të transmetimeve radiotelevizive, kryhen në llogaritë bankare të AMA-s.

Llogaritë bankare të AMA-s janë si më poshtë:

1. Banka Credins: Nr. 458017, IBAN: AL12 2121 1157 0000 0000 0045 8017

2. Banka Raiffeisen: Nr. 0100007029, IBAN: AL38 2021 1013 0000 0001 0000 7029

3. Banka Kombëtare Tregtare (BKT): Nr. 402947044, IBAN: AL73 2051 1021 9470 44CL PBCL ALLA